



partii naleraq

UKA 2017/036-01

09-11-2017

Uunga siunnersuut: Isumaginninnermik suliassaqarfimmi pissaanermik atuineq pillugu Inatsisartut inatsisaata allanngortinneqarneranik Inatsisartut inatsisaat nr. xx, xxx 2017-imeersoq. (Inatsisip kalaallisut oqaasertaani § 13, imm. 1-imi erseqqissaaneq)
Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoq

Partii Naleraq sinnerlugu imannak oqaaseqarfigissuarput:

Kannigusuusaarnaqaaq - inuiaat kalaallit oqartussaaffianni qullerpaami oqaatsit marluk atorlugit ingerlatsiniarnermi angummanniapiloorneq pissutigalugu kukkunerit imaattut uterfigisuaannangajallugit - takorlooriarsiuk naalagaaffeqatitsinni danmarkimi ajornartorsiutit taamaattut nalaatassaangillat, tassa folketingimi soorunami danskisut oqalunnissaq piumasqaataammat.

Kisianni maani aali uagut nammineq nunatsinnik taasakkatsinni kalaallisut dansisullu oqaatsit ataatsimut piginnaassuseqarfigingikkutsigit sunaluunniit tamarmi ajornangajappoq, aali nammineq nunatsinni kalaallisut oqaatsitta pisortatigoortumik atorneqarnissaannut akuerisaasussaaniaraluartumi ?

Eqqarsaatigilaartigu uagut nammineq kukkussuterput - oqaatsit marluk atorlugit ingerlatsiniarsarinitsinni piffissarujussuaq aningaasarpasuillu atorlugit ingerlatsiniarsarisussanngorluta aaqqissuunneqarsimangatta ? Sooruna qaquguuna silattorniartugut ?

Taama qisuariaalarluta siunnersuutip taama isikkoqarluni ataatsimiititaliamukaqqaarani aappassaanneerlugulu pingajussaanneerqarnissaa inassutingaarput.